



How WI Prevents Underage Drinking

Kev Keeb Kwm: Lub Koom Txoos Tsi Ntsuas Neeg Laus

Backgrounder: An Adult-Focused Campaign

Wisconsin Department of Health Services (Tuam Tsev Pab Kev Noj Qab Haus Huv) ruaj siab pab txo tsawg kev haus dej caw ua ntej nto hnuv nyoog hauv Wisconsin.

Hauv xyoo 2018, lub Division of Care and Treatment Services (Fab Tswj Kev Tu Xyuas thiab Kev Kho) sib ntsib nrog ib lub lag luam nyob rau hauv Madison los tsim muaj ib koom txoos tawm tsam tiv thaiv kev haus dej caw ua ntej nto hnuv nyoog.

Lub koom txoos Small Talks (Sib Tham Luv Luv) yog muaj raws li kev tshawb fawb thiab kev sib koom tes nrog cov pab pawg neeg hauv Wisconsin uas txaus siab tiv thaiv kev haus dej caw ua ntej nto hnuv nyoog, nrog rau cov niam txiv, lub koom haum pab neeg hluas Alliance for Wisconsin Youth, thiab cov neeg pab tshwj xeeb rau kev tiv thaiv quav tshuaj yeeb dej caw. Cov pawg neeg no yuav qhia tsw yim ncauj lus los ntawm cov kev kawm hauv 2018 Wisconsin Alcohol Policy Seminar (Kev Kawm txog 2018 Wisconsin Txoj Cai Tswj Dej Caw), cov kev tsi ntsees kawm tej pab pawg neeg, thiab cov rooj sib tham ntawm State Council (Koom Haum Xeev) txog Dej Caw thiab Lwm Cov Drug Abuse's Prevention Committee (Pawg Tswj Hwm Kev Thaiv Neeg Kev Quav Tshuaj Yeeb).

Kev cai haus dej haus caww

Wisconsin cov kev cai dab qhuas txuam muaj dej caw ntau heev. Haus dej caw tsis yog ib yam uas txais tos zoo xwb, tiam sis yog ib yam kab lis kev cai yuav tau ua. Cov niam txiv thiab lwm cov neeg laus hmov tshua yuav tsis tshua xav muaj kev sib tham txog kev haus dej caw ua ntej nto hnuv nyoog vim yog lawv tsis pom qab yuav pib li cas, yuav ua li cas thiab yuav hais li cas. Nws tseem ceeb kom cov niam txiv thiab cov neeg laus hmov tshua muaj cov tsw yim no thiab muaj peev xwm sib tham txog cov kev txaus ntshai ntawm txoj kev haus dej caw ua ntej nto hnuv nyoog. Kev tshawb fawb pom tias cov niam txiv thiab lwm cov neeg laus hmov tshua yog cov neeg ua qauv zoo tshaj plaws rau tus neeg hluas cov kev txiav txim txog kev haus dej caw ua ntej nto hnuv nyoog.

Kev haus dej caw ua ntej nto hnuv nyoog yog ib qho teeb meem

Kev haus dej caw ua ntej nto hnuv nyoog thiab cov teeb meem txuam nrog yuav tsim cov kev tsis zoo uas tsis raug kiag rau cov neeg haus dej caw ua ntej nto hnuv nyoog xwb, tiam sis yuav raug rau lawv cov tsev neeg, lawv cov zej zog thiab lawv txoj kev ua lub neej. Kev haus dej caw thaum hnuv nyoog tseem mos yuav tsim muaj hlwb puas tag ib sim uas yog puas kiag rau lub hlwb txoj kev xeeb qoos thiab rau lub hlwb txoj kev ua hauj lwm kav lub cev. Cov kev tsis zoo uas pom muaj yog xws li tsis muaj peev xwm tuav tswv yim, txiav txim nqis tes ua dej num, kev cim xeeb, cov kev lis dej num saum nruab ntug, thiab kev tswm xeeb. Cov txiaj ntsim ntawm txoj kev txo tsawg kev haus dej caw ua ntej nto hnuv nyoog muaj ntau heev, nrog rau kev txuag siav thiab txuag nyiaj txiag thiab kev txhawb txoj kev noj qab haus huv rau cov neeg hluas. Ncua hnuv nyoog kom laus zog rau hnuv uas tus neeg hluas pib haus dej caw yuav txo tsawg lawv feem tsim muaj cov kab mob kev nkeeg txuam nrog cawv thiab kev ntsib lwm cov teeb meem tsis zoo.

Vim yog koj hlub tshua txog koj cov me nyuam, koj thiaj hmov tshua txog txoj kev haus dej caw ua ntej nto hnuv nyoog

Small Talks (Sib Tham Luv Luv) yog ib lub koom txoos yuav muaj rau ntau lub xyoo los tsi ntsuas txog txoj kev hloov ntawm txoj kev xav thiab tus yam ntxwv koj.

Txoj kev xav tam sim no	Xav kom xav li cas
Cov xeeb ceem thiab yam ntxwv uas cog qhia rau cov neeg hluas hais tias yeej haus tau dej caw. Vim yog cov kab lis kev cai hauv Wisconsin pom zoo rau siv heev, cov niam txiv yuav xav tias nws yuav tsis tsim muaj kev mob rau cov hluas.	Kev haus dej caw ua ntej nto hnuv nyooq yuav tsim muaj kev mob tiag rau txoj kev noj qab haus huv thiab nws yog ib qho teeb meem uas niam txiv tsis muaj peev xwm muab los tham txog.

Tus yam ntxwv tam sim no	Xav kom koj yam ntxwv li cas
Cov niam txiv uas tsis paub tham nrog lawv cov me nyuam txog kev haus dej caw ua ntej nto hnuv nyooq.	Cov niam txiv nquag tham nrog lawv cov me nyuam txog kev haus dej caw ua ntej nto hnuv nyooq.

Lub koom txoos Small Talks (Sib Tham Luv Luv) pib qhib thaum Plaub Hlis Ntuj 2020.

Kej xav tau

Txoj kev xav tau los ntawm lub koom txoos Small Talks (Sib Tham Luv Luv) yog ua kom laj mej pej xeeb ras paub txog qhov tseem ceeb ntawm txoj kev nquag sib tham thiab tham ntxov nrog cov neeg hluas txog cov teeb meem ntawm txoj kev haus dej caw ua ntej nto hnuv nyooq.

Lub hom phiaj

Lub hom phiaj ntawm lub koom txoos Small Talks (Sib Tham Luv Luv) yog pab kom muaj cov kev sib tham pem txias txias nrog cov neeg hluas txog cov kev txaus ntshai ntawm txoj kev haus dej caw ua ntej nto hnuv nyooq.

Cov neeg tuaj koom

Lub koom txoos Small Talks (Sib Tham Luv Luv) muaj peb hom neeg tuaj koom.

- **Thawj Cov:** Cov niam txiv thiab cov neeg zov tu xyuas cov me nyuam (hnuv nyooq 8-12)
- **Pawg Ob:** Cov xib fwb, cov xib fwb cob qhia, thiab lwm cov neeg ua qauv zoo los yog sib ntsib nrog cov neeg hluas tsis tu ncu
- **Pawg Peb:** Cov neeg tsim tsa kev cai tswj hwm

Cov tsev yim

Lub koom txoos Small Talks (Sib Tham Luv Luv) yuav muaj kev qhia cov chaw muaj kev pab rau cov niam txiv thiab cov neeg tu xyuas kom muaj kev ras paub ntxiv txog txoj kev yeej muaj thiab paub txog cov teeb meem los ntawm txoj kev haus dej caw ua ntej nto hnuv nyooq; kawm kom paub txog, txawj cov txuj ci, thiab muaj rab peev xwm tiv thaiv txoj kev haus dej caw ua ntej nto hnuv nyooq; thiab lawv cov kev rau tes ntxiv rau txoj kev tiv thaiv kev haus dej caw ua ntej nto hnuv nyooq. Cov kev qhia puav leej muaj qhov vas sab – SmallTalksWI.org – cov ntsiab lus tseeb, cov tshaj tawm rau saum Facebook, cov tshaj tawm rau saum Instagram, cov ntawv xov xwm sau, cov ntawv rhais tshaj tawm, cov vas sab, cov ntawv dai qhov rai, thiab cov paib txawb rau ntawm qab vag tsib taug. Yeej muab cov khoom no ntsuas kom paub tseeb tias lawv yeej faj cov lus yog rau thawj cov neeg tuaj koom.

Lub Wisconsin Department of Health Services (Tuam Tsev Pab Kev Noj Qab Haus Huv) yuav tshaj nthuav qhia cov ncauj lus ntawm Small Talks (Sib Tham Luv Luv) kom ntau heev thoob plaws lub xeev, los ntawm txoj kev siv lub koom haum pab neeg hluas Alliance for Wisconsin Youth, cov pab pawg zej zog, ib tsab ntawv xov xwm hauv tshuab hluav taws xob, cov koom txoos, cov ntawv tshaj xov xwm, cov chaw neeg sib raug zoo saum huab cua thiab cov tsev kawm ntawv.

Kev Ntsuas

The Wisconsin Department of Health Services (Tuam Tsev Pab Kev Noj Qab Haus Huv) yuav siv ntau hom kev soj qab kom ntsuas tau cov kev pab tau zoo li cas los ntawm lub koom txoos no. Yuav yais tawm ib co lus ntsuas lub koom txoos ua ntej tsa sawv kom thoob plaws lub xeev hauv lub koom haum pab neeg hluas Alliance for Wisconsin Youth, hauv Facebook, thiab Twitter kom paub txog cov xeeb ceem thiab yam ntxwv ntawm cov neeg laus txog kev haus dej caw ua ntej nto hnuv

nyoog. Yuav tsim muaj cov lus ntsuas koom txoos thaum tsa sawv nyob rau ntawm tib co chaw no kom pom cov kev hloov ntawm cov kev xav thiab cov yam ntxwv coj. Ntxiv mus, yuav mus xyuas qhov vas sab txog lub koom txoos txhua lub hlis kom taug qab tau cov kev raus tes xyuas saum huab cua, nrog rau cov kev rub tau cov ntaub ntawv txog lub koom txoos – cov ntawv teev ntsiab lus tseeb, cov paib tshaj tawm, thiab tej khoom ntaub ntawv li ntawd. Tag nrho cov koom haum uas pab rau me nyuam txoj kev loj hlob kom noj qab haus huv thiab tsis muaj haus dej caw yuav raug caw tuaj koom lub koom txoos no uas yog yuav siv cov khoom ntaub ntawv hauv qhov vas sab. Tag nrho cov koom haum koom tes yuav raug caw tuaj qhia lawv cov dab neeg txog lawv txoj kev siv lub koom txoos thiab nws pab tau li cas rau lawv.

Nyiaj Txiag Pab

Lub Wisconsin Department of Health Services (Tuam Tsev Pab Kev Noj Qab Haus Huv) yuav siv cov nyiaj txiag pab txhawb los ntawm tsoom fwv teb chaw Substance Abuse Prevention and Treatment Block Grant (Pob Nyiaj Xyeej Tseg Pab Tiv Thaiv thiab Kho Kev Quav Tshuaj Yeeb Dej Caw) los tsim, nqis tes, thiab ntsuas lub koom txoos Small Talks (Sib Tham Luv Luv).

P-02600MH (04/2020)